


Comision Celebracion Dianan Nacional recordando Betico Croes cu a introduci Bibliobus



ORANJESTAD. (AAN): Un tiki di nos Bibliobus cu e tempo aya rond di 1950 y despues durante su ver-
lof na Europa sr. Hartog a
cera conoci na Spaña cu e
sistema di bibliobus y el a
mira den dje un posibilidad
magnifico pa decentralisa
trabao di biblioteca.

E super representacion
di miembronan di Playa
tabata duna, manera esnan
di biblioteca a mira caba,
tur rason pa haci esey. A
dura un tempo largo, pero
finalmente dia 28 di maart
1968 cu e prome bibliobus
ta core riba nos isla. Tabata
Diputado di Enseñansa, sr.
Gilberto François 'Betico'
Croes, y sr. Jan H. Beaujon,
como miembro di Consejo
di Consulta Cultural di Re-
ino, ta presente ora nan a
tum'e den servicio oficial.
Sticusa a percura pa e com-
pra y e transport cu bapor. E
prome bibliobus tabatin un

capacidad di mas o menos
1.800 buki.

Asina por corda cu sr. Bet-
ico Croes a introduci e bib-
liobus cu a bay di school pa
school p'asina nos hubentud
por a haya e oportunidad pa
desaroya su mes lesando
y como educador e tabata
mira esaki como un punto
importante pa desaroyo di
nos hobennan pa ta líder
mañan.

Algun lema na Papiamento
riba e bus e tempo aya taba-
ta: 'Pa placer y distraccion,
Bibliobus ta den accion' y
'Buki cu tur siguranza, ta
aumenta bo enseñansa' y
'Sea anochi ó den dia, buki
ta bon compania'.

Mayornan a opina cu sr.
Betico Croes tabata bon na
altura cu no ta tur mucha
lo tin e suerte pa por haya
oportunidad den bida pa
por tin un bon educacion y
bon futuro. P'esey Betico
tabata preocupa pa tur mu-

cha y hobennan, y a percura
pa sea como sea traha duro
pa e maximo cantidad di
muchanan ainda haya for-
ma pa cuminsa lesa.

Cu mas lesamento e much-
anan ta haya sa mas y asina

habri caminda pa nan por
siña tambe mas miho door
di cuminsa lesa buki. P'esey
El a percura pa e bibliobus
yega te den nan bario pa crea
oportunidad pa muchanan
por a presta buki. Antes ta-
bata hende cu miho recurso
so, tabata haya oportunidad
pa nan yiunan sigui studia.

Awendia el a bira cu mas
y mas hobennan ta haya
oportunidad y tin derecho
pa continua cu un estudio
y progresa den bida. Pues
mayornan mester bira mas
consciente di e importan-
cia di lesamento y sea bon
mayornan cu bon curason y
duna su yiunan e chens pa
nan tambe progresa y haya
un bon estudio. Hunto yuda
e mucha y hobennan bringa

pa nan logra nan bon dese-
nan y ser profesional den
nos comunidad. E loke sr.
Betico nan contento y awe
hopi ta e mayornan agrade-
cido na dje y na Dios cu a
guie den su Mision di bida
pa tur e mucha y hobennan
di antes y awe ainda por si-
gui mira su frutonan di su
bon trabaonan realisa pa e
pueblo di Aruba.

Den e tempo moderno aki
Gabinete Wever Croes a si-
gui cu e vision bunita aki pa
progreso di nos hobennan y
a bini cu e Mobile Lab si-
guiendo cu innovacion den
tempo y creando oportuni-
dad pa mayor progreso den
un pais, y asina creando lid-
er y profesionalnan den nos
comunidad.